



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 76. Henrici Franciæ Regis conatus pro recuperanda Ambianensi Urbe.

---

[urn:nbn:de:hbz:466:1-67263](#)

Sæcul. XVI.

A. C. 1597.

sequii pensum solito ritu exsolvebat,  
quem postea Pontifex lauto convivio  
excipiens, ac familiari colloquio ho-  
norans humanissime a se dimisit.

## §. LXXVI.

*Henrici Franciae Regis conatus pro ri-  
cuperanda Ambianensi Urbe.*

Spond. ann.

1597. n. 3.

Thu. l. c.

Gallut. l. 19.

de bello Gall.

Cum Ambianensi urbe in Hispanorum  
potestate relicta Henricus nec pro-  
speram armorum sortem, nec proficua  
pacis conditiones sperare posset, ideo  
hanc jacturam quovis pretio reparatu-  
rus mox Bironum Marescallum, cete-  
rosque Belliduces convocabat, ut de  
opportunis hanc urbem recuperandi  
mediis deliberarent; cum autem Rex  
summa inopia laboraret, præcipua e-  
jus cura eo abibat, ut pecuniæ ad hanc  
expeditionem omnino necessariæ con-  
quiererentur: porro huic consilio ipse  
etiam Rosnius Baro interfuit, cui jam  
anno priori Rex deplorandum egestatis

Daniel Pan. suæ statum his verbis declarabat: „nec  
1596. p. 161. „mihi equus ad pugnandum aptus, nec

„integrum stratum supereft, industia  
„mea penitus dilacerata, Thorax meus  
„undique pertusus, jamque per biduum  
„a diversis prandium querere cogor:  
„inde judices, an diutius tolerare pol-  
„sim, quod ærarii mei Rectores oppi-  
„pare vivant, ac saginentur, ego au-  
„tem

tem fame moriar ?,, Hæc ipsa Henrici Sæcul. XVI.  
epistola Rosnio ansam præbebat, ut A.C. 1597.  
Regi suggereret, ad conquirendas pe-  
cunias nil aptius fore, nisi ut omnes  
eiusmodi Rectores administrati ærarii  
rationem reddere compellerentur, ac  
ingens pecuniarum multa, qua rei  
plecterentur, in belli sumptus conver-  
teretur, & dein pecunia a ditioribus mu-  
tuo accepta, tributisque mediocriter  
auctis, peculatus crimine notati severe  
castigarentur. Hoc Rosnii consilium  
Rex tantopere gratum habebat, ut ei-  
dem totius ærarii curam demandaret,  
mox vero hujus subsidii spe fretus Lu-  
tetia Corbejam urbem septem leucis  
Ambiano dissitam contenderet, & Ca-  
rolo Guntaldo Bironio Franciæ Mare-  
scalo negotium daret, quatenus cum  
tribus, vel quatuor millibus cunctos ur-  
bis aditus intercluderet: cum vero Bi-  
ronius cum copiis suis Ambiano appro-  
pinquaret, Protocarerus Urbis Guber-  
nator hostium paucitatem conspicatus,  
die trigesima, & trigesima prima Mar-  
tii in primam Gallorum aciem erupit,  
& captivis aliquot secum abstractis re-  
liquos in pagum ab urbe remotiorem  
recedere coegit: ineunte autem Mense  
Aprili militum suppetias ab Alberto  
Archiduce submissas unacum Friderico  
Paciotto insigni Architecto in urbem in-

*Hist. Eccles. Tom. LII.* L duxit,

Sæcul. XVI. duxit, desideratis suorum duntaxat  
A.C. 1597. quadraginta, pluribus tamen fauciis,  
ex quibus erant Franciscus Deza, &  
Rogerius Taconius ambo magni nomi-  
nis Belliduces, quorum primus paucis  
post diebus vita functus est. Interea  
Bironius Marescallus, ut obfessis infe-  
rendi militaris subsidii, vel annonæ op-  
portunitatem intercluderet, pontes na-  
vibus instructos Somonæ fluvio prope  
Longum - pratum imposuit, hosque lu-  
nato propugnaculo, multisque aggeri-  
bus in utraque fluminis ripa munivit,  
postea vero Atrebatum Artesiae Metro-  
polin, necnon Dorlanum nocturni si-  
lentii beneficio clam admotis scalis su-  
perare tentabat, cum tamen hæ mæni-  
bus breviores essent, præfidiarii, ci-  
vesque tumultu excitati Bironium non  
sine suorum dispendio retrocedere coe-  
gerunt: sub idem tempus Mense Mayo  
quatuor Anglorum millia ad Gallorum  
castra pervenerant, cumque ipsem  
Rex ineunte Mense Junio Parisios de-  
latus militum delectus urgeret, in Gal-  
lico exercitu jamjam sexdecim peditum,  
& tria millia equitum ad finem hujus  
mensis recensebat: nec tamen horum  
numero territi Protocarerus, ac Mon-  
tenigrius die vigesima quarta Maji ex  
urbe in diversas partes erumpunt, at-  
que aggerem nondum perfectum prope

Lon-

Longumpratum adoriuntur, eosque, Sæcul XVI.  
qui illum tutabantur, fugant, cædunte  
que, Montinio autem in opem accur-  
rente utrinque pertinaciter certatum:  
porro Bironius interea interjectum ag-  
geri, & flumini aditum, ut viam hosti-  
fese in urbem recepturo præpediret,  
occupare festinat, ab ipso tamen Di-  
daco Durando, & Francisco Arcu præ-  
ventus spe sua frustrabatur, ac Monte-  
nigrio cum Hispanis peditibus in Gallos  
Equites irrumpente parum absuit, quin  
Bironii copiæ a fronte, & a tergo inter-  
ceptæ penitus delerentur, eas tamen  
Carnutensis Commendator cum reliquo  
Gallorum equitatu ad volans e præsenti  
liberavit discrimine, adeo, ut Hispanis  
in urbem recendentibus, Bironius suos  
milites revocaret, dieque jam ad occa-  
sum inclinata certamen dirimeretur,  
æquatis utrinque decore, ac jactura.  
Ceterum die septima Junii Henricus  
Rex Parisiis redux unacum Connestabili  
ad castra pervenerat, secum adducens  
Moncellensem Marchionissam, quam  
etiam inter præsentanea vitæ, regni-  
que sui pericula semper perdite deperi-  
bat, hujus vero scorti præsentiam ini-  
quo animo ferebant præcipui exercitus  
Belliduces, præsertim Bironius Mare-  
scallus, qui de turpi hoc amore libe-  
rius pro more suo loquebatur. Porro

Rex

L 2

**Sæcul. XVI.** Rex stationem suam in semiruto sanctæ  
A.C. 1597. Magdalenæ cœnobio trans Somonam

Artesiam versus sito collocabat, & quamvis illud crebris ex urbe displosionibus expositum esset, Rex tamen inde discedere noluit, ut ad subitos eventus propior jussa sua dare posset.

## §. LXXVII.

*Ambianum a Gallis arditius obfessum.*

**Avila l. 15.**

**Thuan. &**

**Daniel l. c.**

**Mem. de**

**Sulis t. I.**

Pluribus velitationibus acriori obsidionis præludebatur, alternante adhuc fortuna, præprimis vero Bironius urbem quam vi non posset, astu expugnare sollicitus noctu, quæ diem vigesimam primam Junii sequitur, oblongos saccos nitrato pulvere fartos in cavas munitionum partes, ac sub tormentis dispositis conjici jussit, ut pulvere ignem concipiente ruina muro vicino inferretur; cum autem milites ad hoc destinati minus apte hasce machinas collacissent, exinde plus terroris, quam damni obfessis intulere, Galli vero non sine suorum dispendio, ac pulveris pyre jactura retrocedere coacti sunt. Die vigesima nona ejusdem Menphis Montenigrius, ut Bironium muniendo Magdalenæ cœnobio intentum præpediret ex urbe erumpens cum iis, qui struetram moliebantur, atrox prælium conservuit, tandem vero superveniente ipso Biro-